

有部百一羯磨


籍

才五

傳五

三百卅九

50135



根本說一切有部百一羯磨卷第五 傳

唐三藏法師 義淨奉 制譯

五年同利養別說戒白二

具壽鄔波離請世尊曰大德於某聚落有一

長者造一任處諸事具足捨與四方僧伽是時

長者被王拘執苾芻聞已弃寺他行有三寶

物及諸資具被賊偷去長者得脫知寺被賊

白言聖者以何緣故弃寺他行苾芻答言我

聞長者被官拘執心生惶怖且向何方長者

曰我有宗親彼能供給何事忿遽諸苾芻不

知云何白佛佛言問彼宗親能供給者善若

不能者諸苾芻作白二羯磨應共隨近寺於



得雅

五年中同一利養別爲長淨先報彼寺知已  
敷座席作前方便乃至令一苾芻作白羯磨  
大德僧伽聽今此住處造寺施主某甲今爲  
王拘執若僧伽時至聽者僧伽應許僧伽今  
此住處與某住處於五年中同一利養別長  
淨白如是次作羯磨

大德僧伽聽今此住處造寺施主某甲爲王  
拘執僧伽今此住處與某住處於五年中作  
同一利養別長淨若諸具壽聽此住處與彼  
住處於五年中同一利養別長淨者默然若  
不許者說僧伽已聽此住處與彼住處於五  
年中同一利養別長淨竟僧伽已聽許由其

默然故我今如是持若有餘緣隨  
告諸俗舍白二

具壽鄔波離請世尊曰大德若苾芻苾芻尼  
於諸俗家作諸非法令諸俗侶不生敬信廣  
起譏嫌不知云何佛言汝諸苾芻應差苾芻  
具五德者往諸俗家說彼二人所行非法如

是應差敷座席作前方便已先須問汝某甲  
能往諸俗家說廣額苾芻松幹苾芻尼所行  
非法不荅言能令一苾芻作白羯磨如是應  
作大德僧伽聽此苾芻某甲能往俗家說廣  
額苾芻松幹苾芻尼所行非法若僧伽時至  
聽者僧伽應許僧伽今差此苾芻某甲往諸

俗家說廣額苾芻松幹苾芻尼所行非法白  
如是次作羯磨

大德僧伽聽此苾芻某甲能往俗家說廣額  
苾芻松幹苾芻尼所行非法僧伽今差此苾  
芻某甲往諸俗家說廣額苾芻松幹苾芻尼  
所行非法若諸具壽聽差此苾芻某甲往諸  
俗家說廣額苾芻松幹苾芻尼所行非法者  
默然若不許者說僧伽已聽差此苾芻某甲  
往諸俗家說廣額苾芻松幹苾芻尼所行非  
法竟僧伽已聽許由其默然故我今如是持  
說他麁罪單白

時諸苾芻奉佛教已秉白二法差一苾芻向

諸俗家說彼二人所行非法時廣額苾芻聞  
此事已詣諸苾芻所作如是語仁於俗家說  
我過失耶彼便荅言我得衆法令往俗家說  
汝過失廣額荅言我能於汝作不饒益當破  
汝腹取汝中腸繞逝多林斬截汝頭懸寺門  
上時諸苾芻聞此語已即便白佛佛言彼能  
欺別人不能欺衆應作單白合衆詳往俗家  
說彼過失敷座席作前方便令一苾芻作單  
白羯磨

大德僧伽聽彼廣額苾芻松幹苾芻尼於諸  
俗家作諸非法今諸俗侶不生敬信今無別  
人能往諸俗家說彼過失僧伽今共往諸俗

家說彼二人所行非法應作是語仁等當知  
彼廣額苾芻松幹苾芻尼虧損聖教自身損  
壞猶如焦種不復生牙於正法律中不能增  
長仁等當觀如來應正遍知及阿若憍陳如  
等諸大苾芻所有行跡若僧伽時至聽者僧  
伽應許僧伽今共往諸俗家說廣額苾芻松  
幹苾芻尼所行非法白如是既作白已隨處  
當說

具壽鄔波離請世尊曰大德諸苾芻衆爲彼  
二人作單白法已告諸俗舍竟不知云何以  
緣白佛佛言令諸俗侶不應供給衣食湯藥  
一切所須悉不應與

諫破僧伽白四

具壽鄔波離請白世尊曰大德提婆達多爲  
名利故詣迦攝波所自言大德爲我說神通  
事時迦攝波不觀彼心爲說神通法時提婆  
達多得聞法已初夜後夜警策修習於夜後  
分依世俗道證初靜慮便發神通旣得通已  
便起惡念告四伴曰汝等四人共我破彼沙  
門喬荅摩和合僧伽并破法輪我歿代後獲  
善名稱流布十方作是說已即便共伴四人  
欲破和合僧伽并破法輪諸苾芻衆知此事  
已即便白佛佛言汝諸苾芻爲作別諫別諫  
之時堅執不捨云此真實餘皆虛妄

時諸苾芻即以此緣白佛佛言汝諸苾芻秉  
白四羯磨諫彼提婆達多若更有如是流類  
應如是諫敷座席作前方便令一苾芻作白  
羯磨應如是作

大德僧伽聽此天授欲破和合僧伽作鬪諍  
事非法而住諸苾芻爲作別諫別諫之時堅  
執不捨云此真實餘皆虛妄僧伽今以白四  
羯磨諫彼天授汝天授莫破和合僧伽作鬪  
諍事非法而住汝天授應與僧伽和合歡喜  
無諍一心一說如水乳合大師教法令得光  
顯安樂而住若僧伽時至聽者僧伽應許僧  
伽今作白四羯磨諫彼天授破僧伽事白如

是  
次作羯磨

大德僧伽聽此天授欲破和合僧伽作鬪諍  
事非法而住諸苾芻為作別諫別諫之時堅  
執不捨云此真實餘皆虛妄僧伽今以白四  
羯磨諫彼天授汝天授莫破和合僧伽作鬪  
諍事非法而住汝天授應與僧伽和合歡喜  
無諍一心一說如水乳合大師教法令得光  
顯安樂而住若諸具壽聽與此天授秉白四  
羯磨諫破僧伽事者默然若不許者說此是  
初羯磨第二第三亦如是說僧伽今以白四  
羯磨諫彼天授破僧伽事竟僧伽已聽許由  
其默然故我今如是持

諫助破僧伽白四

時諸苾芻奉佛教已即秉羯磨諫提婆達多  
時提婆達多得羯磨已堅執不捨復有助伴  
四人一孤迦里迦二褰荼達驃三羯吒謨洛  
迦底灑四三沒達羅達多隨順提婆達多為  
破僧伽事諸苾芻即便白佛佛言汝諸苾芻  
應作別諫諫彼四人彼見諫時作如是語諸  
大德莫共天授有所論說若好若惡何以故  
天授是順法律語彼聞諫時堅執不捨諸苾  
芻以緣白佛佛言汝諸苾芻佛白四羯磨諫  
彼四人應如是諫敷座席作前方便次令一  
苾芻作白羯磨應如是作

大德僧伽聽此孤迦里迦寒茶達驃羯吒謨  
洛迦底灑三沒達羅達多等知彼天授欲破  
和合僧伽作鬪諍事非法而住時此四人隨  
順天授破僧伽事諸苾芻爲作別諫別諫之  
時此孤迦里迦等四人作如是語諸大德莫  
共彼天授有所論說若好若惡何以故彼天  
授是順法律依法律語知而說非不知說彼  
愛樂者我亦愛樂此孤迦里迦等四人堅執  
不捨云此是實餘皆虛妄僧伽今以白四羯  
磨諫此孤迦里迦等四人助彼天授破僧伽  
事汝孤迦里迦等四人莫助彼天授破和合  
僧伽作鬪諍事非法而住汝孤迦里迦等四

人應與僧伽和合歡喜無諍一心一說如水  
乳合大師教法令得光顯安樂而住若僧伽  
時至聽者僧伽應許僧伽今以白四羯磨諫  
此孤迦里迦等四人助彼天授破僧伽事白  
如是次作羯磨准白而爲

與作學家法單白

具壽鄔波離請世尊曰大德彼師子長者先  
事外道因詣佛所聽受法故於其座下斷諸  
煩惑證預流果於三寶所意樂純善深起信  
心所有資財常樂惠施以至貧窮俗侶譏嫌  
諸苾芻不知云何佛言汝諸苾芻應爲師子  
長者作學家羯磨遮諸苾芻等莫往其家敷座

席作前方便令一苾芻應作單白  
大德僧伽聽彼師子長者信心殷著意樂純  
善於三寶所現有資財悉皆惠施諸有求人  
亦無怵惜由此因緣衣食罄盡若僧伽時至  
聽者僧伽應許僧伽今與師子長者作學家  
羯磨白如是既作法已往者得越法罪

與作捨學家法單白

時諸苾芻衆爲彼長者作學家法已即不往  
彼家受諸飲食時此長者勤力營農未久之  
間倉庫盈溢倍勝於前長者既見家業隆盛  
思見福田同前供養往詣佛所懇懃啓請佛  
便聽許教此長者具以其事白上座知令鳴

健稚集僧伽已於上座前躡居合掌作如是  
白大德僧伽聽我師子信心般若著意樂純善  
於三寶所現有資財常樂惠施諸有求人亦  
無恡惜由此因緣衣食罄盡以至貧窮僧伽  
見已生哀愍心與我師子作學家法令諸聖  
衆不入我家我師子今時倉庫還復豐盈今  
從僧伽乞解學家法唯願大德僧伽與我解  
學家法是能愍者願哀愍故如是三說旣言  
白已禮衆而去是時僧伽令一人作單白羯  
磨大德僧伽聽彼師子長者信心般若著意樂  
純善於三寶所現有資財悉皆惠施諸有求  
人亦無恡惜由此因緣衣食罄盡僧伽爲彼

長者作學家羯磨今諸苾芻不往其家受諸  
飲食長者今時衣食還復如故今從僧伽乞  
解學家羯磨若僧伽時至聽者僧伽應許僧  
伽今與彼長者解學家羯磨白如是

時諸苾芻爲彼長者解學家羯磨已不知去  
何白佛佛言汝諸苾芻得往彼家受諸飲食  
悉皆無犯

觀行險林白二

具壽鄔波離請世尊曰大德夏安居了日有  
諸婆羅門居士以好飲食將獻聖衆令諸使  
女隨從而行既至半途皆被賊劫時有苾芻  
於蘭若中欲行乞食行至中路見諸飲食遂

今露形使女授食諸女著耻時婆羅門告苾  
芻曰於險林處何不令人看守使我送食免  
被賊劫諸苾芻不知云何佛言以白二羯磨  
應差苾芻具五法者於險林處而爲看守作  
前方便唯上應知

大德僧伽聽此苾芻某甲能向險林怖畏之  
處於其道路善能觀察若僧伽時至聽者僧  
伽應許僧伽今差此苾芻某甲於彼險林怖  
畏之處作觀察人白如是羯磨准白成

授其學法白四

具壽鄔波離請世尊曰大德今有苾芻名曰  
歡喜不捨學處毀於梵行作婬欲事無有一

念作覆藏心如毒箭入骨髓心懷憂感不知云  
何佛言汝諸苾芻與歡喜苾芻終身學處若  
更有如是流類悉皆准此鳴健稚乃至教歡  
喜苾芻於上座前蹲居合掌應如是乞大德  
僧伽聽我歡喜苾芻不捨學處毀於梵行作  
婬欲事我歡喜苾芻無有一念作覆藏心今  
從僧伽乞終身學處願大德僧伽與我歡喜  
終身學處是能愍者願哀愍故如是三說令  
歡喜苾芻在眼見耳不聞處住令一苾芻爲  
作羯磨

大德僧伽聽彼歡喜苾芻不捨學處毀於梵  
行作婬欲事無有一念作覆藏心今從僧伽

乞終身學處若僧伽時至聽者僧伽應許僧  
伽今與歡喜苾芻終身學處白如是

大德僧伽聽彼歡喜苾芻不捨學處毀於梵  
行作婬欲事無有一念作覆藏心今從僧伽  
乞終身學處僧伽今與歡喜苾芻終身學處  
若諸具壽聽與歡喜苾芻終身學處者默然  
若不許者說第二第三亦是說僧伽已與  
歡喜苾芻終身學處竟僧伽已聽許由其默  
然故我今如是持

與實力子衣單白

具壽鄔波離請世尊曰大德苾芻實力子和  
合僧伽差令分衆卧具及知食次彼有信心

意樂純善為衆檢校不辭勞苦所有資生於  
三寶中悉皆惠施如是施已自己三衣並皆  
破壞不知云何佛言汝諸苾芻衆應和集作  
單白法與實力衣如是應作

大德僧伽聽彼實力子有敬信心意樂賢善  
為衆檢校不辭勞苦所有資具於三寶中悉  
皆惠施如是施已自己三衣並皆破壞今時  
僧伽得好白氎共將此氎與實力子作衣若  
僧伽時至聽者僧伽應許僧伽今將此白氎  
與實力子作衣白如是  
佛言汝諸苾芻既作單白法已應將白氎與  
實力子勿致疑惑

對面輕毀白四

具壽鄔波離請世尊曰大德苾芻實力子被  
衆差令分衆卧具及知食次時友地二苾芻  
積代怨讎業緣未盡此二苾芻對實力子前  
而爲嫌毀諸苾芻不知云何佛言汝諸苾芻  
應作羯磨訶責友地二苾芻對面嫌毀實力  
子若更有餘如是流類應如是與鳴健稚作  
前方便令一苾芻作白羯磨應如是作  
大德僧伽聽此友地二苾芻知和合僧伽差  
實力子分衆卧具及知食次此友地二苾芻  
對實力子前而爲嫌毀若僧伽時至聽者僧  
伽應許僧伽今訶責友地二苾芻對面嫌毀

實力子白如是

大德僧伽聽此友地二苾芻知和合僧伽差  
實力子分衆卧具及知食次此友地二苾芻  
對實力子前而為嫌毀僧伽今訶責友地二  
苾芻對面嫌毀實力子若許具壽聽訶責友  
地二苾芻對面嫌毀實力子者默然若不許  
者說第二第三亦如是說僧伽已聽訶責友  
地二苾芻對面嫌毀實力子竟僧伽已聽許  
由其默然故我今如是持

假託輕毀白四

時諸苾芻奉佛教已與友地二人作訶責羯  
磨已後於異時彼二人對實力子前不道其

名而作嫌毀諸苾芻聞是語已即便白佛佛  
言汝等苾芻與友地二人對實力子前假託  
餘事不道其名而為嫌毀作訶責羯磨如上  
應作

大德僧伽聽此友地二苾芻知和合僧伽差  
實力子分衆卧具及知食次此二苾芻對實  
力子前假託餘事不道其名而為嫌毀若僧  
伽時至聽者僧伽應許僧伽今訶責友地二  
苾芻假託餘事不道其名而為嫌毀白如是  
次作羯磨

大德僧伽聽此友地二苾芻知和合僧伽差  
實力子分衆卧具及知食次此友地二苾芻

對實力子前假託餘事不道其名而為嫌毀  
僧伽今訶責友地二苾芻假託餘事不道其  
名而為嫌毀若諸具壽聽訶責友地二苾芻  
假託餘事不道其名而為嫌毀者默然若不許  
者說第二第三亦如是說僧伽已訶責友地  
二苾芻假託餘事不道其名而為嫌毀竟

僧伽已聽許由其默然故我今如是持  
時諸苾芻與友地二人作羯磨已此二苾芻  
尚猶對面及假託事毀實力子諸苾芻眾白  
佛佛言得羯磨已若不捨者得波逸底迦於  
十二種人被眾差者而作嫌毀得罪應知如  
十二種人雖被眾差事已停止而嫌毀者得

惡作罪

尔時具壽億耳從座而起合掌白佛言大德  
於邊方國有迹多行那是我鄔波馱耶令我  
敬禮世尊雙足起居輕利乃至佛言汝諸苾  
芻行止安樂不大德我親教師謹附五事請  
問世尊幸願慈悲決斷其事大德於邊方國  
少有苾芻若受近圓十衆難滿大德若有方  
國地多堅韃牛跡成鏘得著皮鞋不若數洗  
浴處得多洗不復有邊國用牛羊皮及鹿皮  
等以爲卧具頗得用不有苾芻寄衣與彼苾  
芻未至身亡衣便不達過十日已誰得泥薩  
祇耶佛言我聽邊國解毗奈耶爲第五人得

受近圓地堅韃處聽者一重皮鞋非二三重  
若底穿者應可補替多洗浴處隨意當洗用  
皮卧具處隨意應用又此苾芻寄衣與彼未  
達身亡無其捨罪

具壽鄔波離請世尊曰如世尊說邊方之國  
解毗奈耶為第五人得受近圓大德齊何為  
邊國佛言東方有國名奔茶跋達那城東不  
遠有娑羅樹名奔茶各又此謂東邊自茲已  
去名為邊國南方有城名攝跋羅伐底城南  
有河名攝跋羅伐底此謂南邊自茲已去名  
為邊國西方有村名窣吐奴鄔波窣吐奴二  
村俱是娑羅門處此謂西邊自茲已去名為

邊國北方有山名盟尸羅祇利此謂北邊自

茲已去名為邊國兩界三百餘驛南二邊

四百驛許到駛摩非目擊詳而問知然東界南四

富統屬東天此去莫訶菩提及室利那爛陁

寺有六十月許即昇船入海歸唐之處從

斯時當正二月若向師子洲西南進船傳有

之百驛停此至冬沉船南以上一月許到末羅

逝洲今為佛逝多國矣亦以正二月而達傳至

夏半年沉船北行可一月餘便達廣府經傳向

當其宿因業薄到處實危若傾巢因序四邊

如言還路翼通識者暫廣知聞又南海諸州

咸多敬信人王國主崇福為懷此佛逝郭下

僧衆千餘學問為懷並多行鉢所有尋讀乃

與中西方殊沙門軌儀悉皆無列若其唐僧

欲向西方為聽讀者停斯一二載習其法式

方進中天為聽讀者停斯一二載習其法式

亦是佳也

具壽鄔波離請世尊曰大德如世尊說若茲

芻得俗人曾著皮鞋應受用者大德未審何  
者是俗人曾著皮鞋佛言但令俗人著行七  
八步斯即名為曾受用物若得未曾受用皮  
鞋履屨及新作者此如何用佛言此應持與  
可信俗人報云此是汝物彼為己想遂著皮  
鞋行七八步可擎鞋履至苾芻所白言聖者  
此是我物願見哀愍隨意受用

具壽鄔波離請世尊曰大德如世尊說寒雪  
諸國許畜富羅未知何者是寒雪國佛言有  
霜雪處水器成凌者是

如世尊說有四種藥應受用者云何為四一  
時藥二更藥三七日藥四盡壽藥時諸苾芻

未識其體佛言時藥者謂是五種珂但尼譯

五爵食即是根莖乾

葉菓意取咬爵為義此中意取含噉為名舊

五種菹膳尼譯為五噉食即是麩餅麥豆餅

云奢耶尼者遍檢梵本全無此名

言更藥者謂八種漿一

一招者漿如酢似梅狀

二毛者漿即熟芭蕉子是

三孤落迦漿其果狀似酸棗

四阿說他子漿菩提樹子是大

五烏曇跋羅漿其果狀如李子

六鉢嚕灑漿其果狀如

七蔑栗墜土漿是蒲桃果

八渴樹羅漿

形如小棗，澀而且甜，出波斯國。

狀如椶櫚，其果多有漿，至番禺時，人名為波斯棗，其味頗與乾柿相似也。

言七日藥者，謂是酥、油、糖、蜜也。

言盡壽藥者

謂根莖葉花果藥，即是凡為草木藥物，不過於此，便是摠攝諸

藥品類

斯終矣。及五種鹽，廣如餘處。此中時藥更藥

并七日藥及盡壽藥下之三藥，若與時藥相

和者，時中應服。必若過時，便不食下之。仁

藥與更藥相和者，齊更應服下之一藥。與七

日藥相雜者，齊七日應用。

舊云：四藥相和，從

時自有強弱，不據多少。有云：麴與薑相和，麴多時，噉薑多，非時者，皆應臆斷也。

其盡壽藥，若欲守持長服者，如是應作先淨

洗手受取，其藥對一苾芻蹲居合掌作如是

說具壽存念我苾芻其申有此病患此清淨

藥我今守持至盡壽來自服及同梵行者第

二第三亦如是說七日更藥准上守持其更

藥者盡日應飲如其至夜但齊初更律教一

三節初之一一分名曰初更過斯不應飲用若

唯五更當一更強半舊云非時者非正譯也

凡是三藥欲守持時必在中前斯為定制下

之三藥如守持已分局分明必不守持齊何

應用荅此之三藥若其中前受已過午便不

食過午受之初更得食同更藥也又此四藥

既自受已自分未過被未具者觸隨可更受

而服如過自限若觸不觸並宜源弃又問如

其三藥先守持已未具輒觸更得用不荅本

意守持為防自取他既觸已法則便云理可

弃之無宜復用必其貧者開撥施人便云理可

他施還受取用必其貧者開撥施人便云理可

義同新得耳用必其貧者開撥施人便云理可

觀造小房地白二用必其貧者開撥施人便云理可

具壽迦攝波請世尊曰大德有諸苾芻惱他  
施主數數乞求廣修房舍旣營造已或嫌長  
短或嫌闊狹不知云何以事白佛佛言彼造  
房苾芻應從僧伽乞觀房地三處清淨者聽  
造云何爲三一 是應法淨處 二是無諍競處  
三有進趣處云何長短闊狹佛言長佛十二  
張手廣七張手此是其量彼造房苾芻鳴捷  
稚隹上作前方便乃至蹲居合掌作如是白  
大德僧伽聽我營作苾芻某甲於某處地觀  
察清淨無諸妨難欲造小房唯願大德僧伽  
聽我營作苾芻某甲於清淨處造小房是能  
愍者願哀愍故如是三說

次令可信二三苾芻或僧伽共往觀察無諸妨難三處清淨者聽造既觀察已還至衆中如前方便作如是白

大德僧伽聽彼營作苾芻某甲造小房地我某甲等親往觀察三處清淨無諸妨難願大德僧伽聽彼營作苾芻某甲造小房衆既知已次作羯磨

大德僧伽聽此營作苾芻某甲於某處地衆觀清淨無諸妨難悉皆應法今從僧伽乞造小房若僧伽時至聽者僧伽應許僧伽今聽此營作苾芻某甲於彼清淨無妨難處欲作小房白如是次作羯磨准白應爲

觀造大寺地白二

佛在憍閃毗瞿師羅園六衆苾芻廣乞財物  
復伐形勝大樹造大住處多損生命令諸俗  
侶不生敬信時諸苾芻以事白佛佛言彼造  
大住處苾芻應從僧伽乞觀其地三處清淨  
無諸妨難衆觀察已三處清淨者聽造住處  
餘有乞法如前小房次作羯磨

大德僧伽聽此營作苾芻某甲欲爲僧伽造  
大住處於造住處地衆觀清淨無諸妨難悉  
皆應法今從僧伽乞造大住處若僧伽時至  
聽者僧伽應許僧伽今聽彼營作苾芻某甲  
於彼清淨無妨難處造大住處白如是

次作羯磨准白成：

與營作苾芻六年敷具白二

若營作苾芻卧具破碎於六年內欲造新者  
鳴犍稚衆集已其人在上座前蹲居合掌作  
如是乞

大德僧伽聽我苾芻某甲於六年內欲更作  
新敷具願大德僧伽聽我苾芻某甲於六年  
內更作新敷具是能愍者願哀愍故第二第  
三亦如是說次作羯磨

大德僧伽聽此營作苾芻某甲於六年內乞  
作新敷具若僧伽時至聽者僧伽應許僧伽  
今與營作苾芻某甲於六年作新敷具白如

是

羯磨准白成

根本說一切有部百一羯磨卷第五 傳

忿遽 上七紅反 松幹 下古反 警言 上音景 策 下音 喬

荅嬌 上巨反 塞茶 上軋反 驃 反毗 吒謨 上竹家反 莫胡

反恹惜 上良反 盈溢 下夷反 衍那 上音 堅鞭 下更反 吾

成鏘 下七羊反 窳 反蘇 沒 反烏 骨 反 梗槩 上反 古 反 猛

愛船 音白 汎 反芳 梵 反 履履 下音 富羅 此去短 勤 反 凌

音珂 上何反 蒲膳 下時反 尠 反尺 小 反 酢 字醋 皂莢 下古

帖酸棗 上蘇官反 蓂莢 下於 盈 反 蔑栗 上結 反

吉下 反力 甜 反徒 添 音 授攔 上子 居 反 闊狹 下侯 反

